



XUNTA DE GALICIA
CONSELLERÍA DE CULTURA, EDUCACIÓN
E ORDENACIÓN UNIVERSITARIA

Galicia **Skills** 2014

Galicia **Skills** 2014

III CAMPIONATO GALEGO DA FORMACIÓN PROFESIONAL

19 Control industrial

Convoca:



XUNTA DE GALICIA
CONSELLERÍA DE CULTURA, EDUCACIÓN
E ORDENACIÓN UNIVERSITARIA

Patrocina:

SIEMENS

galicia



UNIÓN EUROPEA
Fondo Social Europeo
O FSE inviste no teu futuro



MINISTERIO
DE EDUCACIÓN, CULTURA
Y DEPORTE



Introdución e obxectivos

A Dirección Xeral de Educación, Formación Profesional e Innovación Educativa, da Consellería de Cultura, Educación e Ordenación Universitaria, da Xunta de Galicia, organiza o III Campionato Galego de Formación Profesional na especialidade de "Control industrial".

Esta competición ten como obxectivos:

- Pór en valor a calidade e o atractivo das ensinanzas de formación profesional da familia profesional de "Electricidade e electrónica" e da familia de "Instalación e mantemento" que se imparten nos centros da nosa comunidade autónoma.
- Motivar o alumnado para a mellora da calidade da FP.
- Recoñecer e estimular o labor do profesorado.
- Potenciar as relacións dos centros nos que se imparten estas ensinanzas coas empresas deste sector.
- Seleccionar a persoa que represente a Galicia no skills de "Control industrial" na Olimpíada de Formación Profesional SpainSkills 2015.

Os ciclos formativos relacionados con esta competición son:

- CS Automatización e robótica industrial.
- CS Mecatrónica industrial.

Requisitos de participación

- Cada centro presentará unha única persoa participante, que deberá ir na compañía dun profesor ou unha profesora que se comprometa a exercer o papel de titor ou titora.
- As persoas competidoras deberán ter unha idade máxima de 21 anos o 31 de decembro de 2014.
- Deberase ademais estar matriculado/a nun ciclo formativo no curso 2014-2015.
- Durante a competición realizaranse reportaxes fotográficas que se utilizarán para a difusión dos campionatos de formación profesional. As persoas participantes autorizan a utilización destas fotos e destes vídeos para tal fin.

Inscrición

A inscrición realizaraa o centro educativo, cubrindo a solicitude de inscrición e remitíndoa ao enderezo de correo electrónico sxftp@edu.xunta.es. Esta solicitude atópase na páxina web de www.edu.xunta.es/fp/galiciaskills, onde pode consultarse toda a información sobre o campionato.

O prazo de inscrición finaliza o día 30 de abril.



Lugar e data de celebración das probas

A competición celebrarase no IES Urbano Lugrís, da Coruña, o 21 de outubro.

Contidos das probas

A proba consistirá na elaboración dun proxecto de automatización, programando un PLC, unha pantalla e un variador de velocidade marca Siemens.

Disporase de sete horas; cun descanso de dúas horas. O xurado penalizará as presentacións fóra de tempo. O horario será de 10:00 horas a 14:00 horas, e de 16:00 horas a 19:00 horas.

O xurado valorará tanto a parte técnica (manexo de ferramentas, orde, etc., durante a elaboración) como os tempos empregados.

Materiais e ferramentas para achegar polas persoas participantes

Nesta proba autonómica todas as ferramentas e os materiais serán proporcionados polo patrocinador e o centro organizador.

Xurado

Será o responsable da avaliación das persoas participantes e a súa decisión será inapelable.

Estará constituído por don José Luís Mariño Ruibal, experto do skill de "Control industrial" de Galicia, que será o presidente do xurado, así como a persoa representante da empresa patrocinadora.

Premios

- A persoa competidora con maior puntuación obterá a medalla de ouro no skill de "Control industrial" e representará a Comunidade Autónoma de Galicia na Olimpíada SpainSkills 2015.
- Quen obteña a seguinte mellor puntuación en cada skill obterá a medalla de prata nesa especialidade e será suplente para representar a Galicia na Olimpíada SpainSkills 2015.
- Os premios faranse públicos nun acto conxunto de entrega de premios e diplomas.
- Se o considera oportuno o xurado, algún premio pode quedar deserto.
- Todas as persoas competidoras recibirán un diploma que certifique a súa participación en GaliciaSkills 2014.